

QVAESTIO MEDICA

CARDINALITIIS DISPUTATIONIBVS MANE DISCVTIENDA IN SCHOLIS MEDICORVM

DIE IOVIS VII MARTII,

M: CLAVDIO LIENARD Doctore Medico, Moderatore.

An Panis replio omnium pessima.

754

VOD in animantium corporibus perenne fieri solet substantiæ viuens effluuium, diuinitus quasi reparat provida rerum parens ac conseruatrix nutriendi facultas, à generante & augente non distincta, quæ suis quatuor non pluribus vñ ministris, humani corporis æconomia diligenter prospicit, dum in ea quod deest studiosè allicit, quod prodest sapienter seruat, quod obest sedulo amouet: denique dum cibo, potu, & spiritu, varijs subinde factis alterationibus, iacturam effluxus conuenienter instaurat & resarcit. Cibi minor necessitas, potus maior, spiritus maxima, quæ tamen corpori contingit affectio à spiritu leuior, à potu grauior, à cibo grauissima. Potus, quo facilius est impleri quam cibo, liquor est omnis sedandæ siti destinatus: Cibi amplissima leges, non ex elementis, metallis, odoribus, sed ex plantis & animalibus depromenda: atque vt ab his conueniens qualitate & substantia conseruandis corporibus alimentum elicitur, sic iisdem destruendis totius substantiæ dissidio infensum emanat venenum.

INTER alimenta, communissimū, saluberrimū, panis: cuius vt variæ sunt species ex materia & præparatione desumptæ, sic non vna eademque est omnium utilitas: præstat reliquis ex laudatissimo confectus tritico, quale est durum, densum, graue, colore aureum, trium mensium maturum, ex cuius farinæ flore paratur siligineus panis omnium candidissimus, sed concoctū difficilis: ex puriore post fluxem parte simillaceus saluberrimus: ex farina denique confusanea *ἀνίπυρος* omnium minime nutriendi: inter hos qui legitimam fermenti quantitatem recipiunt & probe subiguntur omnium optimi, qui fermento carent nocui, quale est placentarum omne genus. Panis præstantiam maximè commendat coctionis modus: quin clibano vel furno igne moderato coquitur *ἐπιπλιος*, laudabilis: qui super craticula, cineribus calidis, aut foci pavimento assatur deterior, vt & subcinericius qui biscoctus est minus nutrit, succumque gignit subtiliorem: recens calidus nocius, vetus alium adstringit, & humoris melancholici prouentum facit: medicis magnitudinis & spongiosus, paruo solido magnoque præponendus.

PANIS nutrimentum simplicissimum, adeoque naturæ nostræ familiarè & amicum, vt nulli vnquam eo benè vtenti fastidio fuerit, sed abutenti mortem etiam repentinam interdū attulerit. Qui crescunt pueri iuuenibus calidiores, senibus humidiores & minus morbos, maiorè panis copiam perferunt, tum iuuenes, ab his senes numquā melancholici, facillimè ieiuniū corpori & animo proficiunt merentes, quibus sale conditus panis cōcedendus. Venti hyeme & vere calidiori, quàm æstate & autumnō frigidiori, viris quàm mulieribus, gracilibus quàm obesis, corpus exercenti quàm otio torpescenti, in cæna quàm in prandio, cum alimentis parum nutriendis, vt fructibus, herbis, & piscibus, quam cum *πάλυ πρὸς τοῖς* carnibus, copiosior panis conuenit.

VICTVS ratio in sanis & ægris chirurgiæ & pharmaciæ præferenda, quæ solā sanis à morbis præseruantur, & ægri ab iisdem non rarò liberantur. Tenuiori & exquisitæ liberalior semper anteponenda, ab hac leue est peccatum, ab illa graue, ab hac frequentius fiunt morbi, ab illa curatu difficiliores. Valeant Hebræorum sacerdotes Essæi non nisi septima quaque die edere soliti, prudentius illi quàm pluries cibum in die vsupant, quibus tamen semel, bis, terve, & quibus plurane, an pauciora particulatim oporteat offerre considerandum. Cibus sicut sano robur, ita ægro morbus: in acutis tenuis, in peracutis tenuior, in perperacutis tenuissimus, vel nullus conuenit victus, in longis copiosior prodest: an panis ægris offensus? eius certè medulla in aqua macerata febricitantibus exhibenda, quibus vniuersum victus humidus & refrigerans confert, maximè pueris. Acutorum initium nunquam purgandum tenuique diæta vtendum, in vigore tenuissima præsertim iuuenibus, in declinatione plenior, senibus, non plenissima.

MNE nimium naturæ inimicum, Somnus, à quo coctiones omnes mutantur & perficiuntur, & vigilia, non minora quam somnus præstans corpori commoda, vtraque si modum exceaserint, malum: nec satietas nec fames, quæ cum adest nulli parcendum labori, nulli incumbendum labori, nec aliud quicquam bonum est *ἐπὶ αὐτῷ μεγάλων τῶν φύσας ἦ*: sic ventriculi repletio, quam optimè inuigilationem dixeris, à quocumque tandem cibo fiat, vel vnicò, vel multiplici, etiam *ἡ πείνη* ipsi naturæ grauis & molesta non potest non esse, quippe quæ tantū partis calorem obruat, hinc primæ coctionis priuatio, cuius errorè nec secunda nec tertia emendat, hinc vel nullus somnus, vel turbulentus, corporis in omni parte inactio, venarum melaicarum (quæ vt traducendo chylo ita & reducendo sanguini à natura sunt dicatæ) & hepatis infarctus propediem certò sunt expectandi. Quid si à panis copia: hæc eadem, aliaque longè peiora imminet, firmam etenim & stabilem adeò in aluo facit stationem incoctus chylus à panis multitudine, vt eius nulla facta distributione distentio ventris periculosa sequatur, grauitatis & diuulsionis dolor quam maximus perferantur, crebra & difficilis spatio oboriatur, vox penè intercipiatur, partium extremarum frigus, circa frontem, colum, & pectus, sudatiuncula contingant, genis labiisque liuescens color inducatur, nihilque iuuantibus iterata venæ sectione ex superioribus & inferioribus, clysmatis, cucurbitulis, aut emeticis, tandem intra paucas horas fati sit cecidit.

Ergo panis replio omnium pessima. 200.

F.M.P.
BIBLIOTHECA

Proponebat Lutetiæ ANSELMVS BICOVET Parisinus. Anno R. S. M. DC. XXX.